



## Universitätsbibliothek Paderborn

### **Meditationes De Præcipvis Fidei Nostræ Mysteriis**

Vitæ ac Passionis D.N. Iesv Christi; Et B.V. Mariæ; Sanctorumq[ue] et  
Euangeliorum occurrentium Cum Orationis Mentalis circa eadem praxi In  
sex partes tributæ

Qvae Considerationes De Peccatis, [et] quatuor hominis nouiſſimis; necnon  
[et] quosdam orandi modos ... complectitur

**Puente, Luis de la**

**Coloniae, 1611**

§.13. Quædam monita circa insequentes Medit.

[urn:nbn:de:hbz:466:1-54597](https://nbn-resolving.org/urn:nbn:de:hbz:466:1-54597)

quas leprosi aliqui, & caci, Cananaea, & Lazari  
sorores, & alij Christo Domino obtulerunt.

ALIQVA ADVERTENDA CIRCA  
insequentes Meditationes.

PARAGRAPHVS XIII.

**A**D vtilem insequentium Meditatio-  
num Vsum, est aduertendum, vt in va-  
rios illæ fines conscriptæ sunt, ita posse  
perlegi. PRIMVS EST, vt aliquid temporis  
nobilissimæ & vtilissimæ illi exercitationi  
tribuatur, quam *spiritualem lectionem* appella-  
mus: in qua (vt Sancti Patres authores sunt) Deus idem cordi legentis loquitur, quod erit scri-  
ptum in libro: mentem enim veritatum, quæ scri-  
ptæ sunt, lumine illustrat, voluntatem verò igne  
similium affectuum accendit. & propterea in ali-  
quibus meditationibus fusior erit; in inferamque  
documenta aliqua, & regulas perfectionis cir-  
ca vitia aut virtutes, de quibus in eis agitur: quod  
spiritus scientiam discant, qui eo animo eas le-  
gerint. Quare non properanter, sed attentè, &  
magna animi quiete legendæ sunt, adhibita ru-  
minatione, & estimatione eorum, quæ leguntur:  
eorumque benè percepto sensu; modoque aliquo  
meditationis ipsi Lectioni adiuncto; petita etiã  
prius à Deo luce; & vt ad cor illis ea loquatur,  
quæ lecturi sunt: illud Samuelis vsurpantes:  
a *Loquere Domine: quia audit seruus tuus.*

S. August.  
serm. 22. ad  
Fratres.  
S. Isidor. lib.  
3. de sum.  
bon. c. 8.  
S. Bern. ser.  
50. ad saro-  
rem.

1. Reg. 3.  
10.

SECUNDVS principalis finis, easdem medi-  
tationes legendi, est, vt materia orationis, &  
contemplationis, in secreto cum Deo Domino  
nostro

In scala  
claustral.

Paraphraſis  
2. ex S. Ber.  
ſerm. 45. in  
Cant.

noſtro habēde præparetur. vt eam S. Bern. ait. Lectio diſponit iuuatque ad meditationem: ſine qua, aut re alia ei ſimili, errans, vaga, & diſtricta eſſe ſolet, & in eum ſinem illa tātūm legenda ſunt puncta, quæ ad meditationē præſcriptā horā faciendam ſufficiant: Imò, quoniam interdum vnum punctum prolixum eſt, cōplectiturque tres, quatuorue cōſiderationes; ( quarum numerus ad marginem ponetur ) expedit, illud punctum in varia partiri, & duas tresve ſententias illarum cōſiderationum pro meditatione colligere, quæ fuſius in ea expendantur; contrā verò, qui fuſiorem voluerit meditationis materiam habere, licebit ei ex duabus vnam ſibi fabricare. Sed & illud aduertēdum eſt, quamuis in eis exhibeatur orationis mentalis praxiſ ad affectus exercendos, petitiones, & colloquia inſtituenda; neminem tamen alligari, vt conceptis, quæ illic ponuntur, verbis, ea faciat; ſed ipſemet, qui orat, ea ſibi inueniat, ſicut Dominus noſter; & lux veritatis, quam cōſiderat, ipſeque deuotionis ſenſus dictauerit. quæ deuotio ( vt ſupra eſt dictum ) eſt anima lingua, & qui eam habet, optimè nouit cū Deo loqui: ſine ea autem erit veluti mutus: et tunc eſt opportunus colloquiorū vſus, quæ in eiſdem inſeruntur; ſed ea, quaſi propria ipſius orantis, efferenda ſunt.

TERTIVS ſinis eaſdem meditationes legendi eſſe poteſt, qui legit, alijs eas tradat. Nā ad ſpiritus magiſtros, & cōfeſſarios ſpectat huiuſmodi meditationum pūcta diſcipulis, &

pœni-

poenitentibus suis præscribere, eosque in hoc orationis genere instruere; cum per se alias capaces non essent. Nec tamen omnes singulis dandæ sunt: sed & meditationes & puncta, & considerationes seligendæ, statui & capacitati eius, cui tradentur, accommodatæ. Imò & ad conciones & spirituales exhortationes habendas, harum meditationum lectio vsui esse potest, quæ solent inter Religiosos aut etiam externos in communi haberi: excitato perfectionis, cuiusque status propriæ, desiderio.

PROPTER omnes hos fines curatum est, ut Meditationes solidum haberent suum fundamentum, & coniuncta scripturæ sacræ loca, quæ in eisdem fines conscripta est. Quare omnes ferè quatuor Euâgelistæ adducti, & explicati in eis inuenientur, & maxima Actuum Apostolorum pars, Principium Genesis, aliaque plurima Veteris ac Noui testamenti loca. & quoniam illorum non pauca varios possunt habere sensus; studui, receptissimum adferre iuxta sanctorum Patrum, è quibus hæc considerationes hausi, mentem & declarationem: & iuxta ea, quæ viri alij spirituales experient à didicerunt: quibus Deus Dominus noster huiusmodi sensus spirituales cõmunicare dignatus est. Ex quo efficitur, ut qui varietatem in his spiritûs exercitationibus amant, inuenturi sint in hoc libro varias ad diuersa anni tēpora meditationes, pro Aduëtu, Quadragesima, Dominicis & præcipuis anni Festis, accommodatas, etiam iuxta temporis diuersitatem

deuotioni, quam tunc Ecclesia repræsentat.

ET quoniam sunt etiam, qui deuotionem sentiunt, dum meditationes suas per hebdomadæ dies distributas habent, etiã hanc varietatẽ in hoc libro inuenient. Qui enim purgare animam suã à vitijs, iuxtã viam PURGATIVA M cupiunt, inuenient meditationes de septem capitalibus vitijs, singulas singulis hebdomadæ diebus applicandas: facileq; erit septẽ alias sibi seligere ex septẽ alijs præcipuis rebus, quæ in eadem via inueniuntur, quales sunt meditationes de peccatis, Morte, Iudicio particulari & vniuersali, Inferno, Purgatorio, & Gloria. Item de septem ingentibus peccatoribus, quos Christus Dominus conuertit, S. Mattheo, Magdalena, Samaritana, Adultera, Zacheo, Latrone, & Saulo.

QUI autem de acquirendis virtutibus tractant in via ILLUMINATIVA: Inueniẽt Meditationes de septem petitionibus, quæ in Dominica precatione exprimuntur; de octo Beatitudinibus, quas vocant, de septem stationibus siue progressionibus, quibus tota Christi Passio cõtinetur; de septem eius in cruce verbis: eritque facilẽ septem etiam Parabolas, septemve insigniora Christi miracula, septem hebdomadæ diebus applicare.

QUI verò de vnitione cum Deo in via VNITIVA agunt, inuenient Meditationes de septem diuinis Attributis, quibus præcipuẽ vnitio hæc fouetur & alitur, bonitas nimirũ, charitas, misericordia, immensitas, sapientia, om-

nipo-

nipotencia & prouidentia. Quòd si etiam diuina placet beneficia meditari, inuenient opera illa, quæ sex primis diebus Deus in mūdo fecit, requiemque diei septimæ; Septem item gloriæ præmia, quæ ostendit Christus sermone suo de Beatitudinibus; & quæ septem Episcopis in Apocalypsi promisit. In quam etiam formam meditationes inueniuntur de sanctissima Eucharistia, & de B. Virgine, etiam ad quindecim Rosarij mysteria: quæ omnia in Indicibus ad finem libri positis, facillè cuique erit inuenire.

DENIQUE vnaquæque harum sex partium, quas liber hic cõplectitur, in quibus variæ sunt meditationes, variæ etiam orandi & contemplandi formæ & rationes, est veluti conuiuium quoddam multorum variorumque ferculorum, variè conditorum, quæ mensæ quidem apponuntur, non vt singuli conuiuæ de omnibus comedant: (quamuis oēs delibare liceat) sed vt quisque illud præcipuè ad comedendum eligat, quod magis palato suo arridet; aut complexioni aut necessitati magis est accommodatum; reliquis ferculis, alijs conuiujs relictis, qui fortè in eis gustum inuenient, quem ipse non inueniebat: quòd aliam habeant complexionem, aut necessitatem, quàm ipse. Effet enim crassæ nimis ignorantie in hac meditandi materia, omnes velle ad eandem orandi formam astringere, quæ magis mihi probatur; eos verò contemnere, qui aliam rationem sequantur.

QVARE singulis, siue spiritualis Magistri directione, siue experientiâ, cõsolationis, pro-

b 1. Theff. 5.  
21.

c Gen. 28.

12.

S. August.

profectū. que sui magistrā, eas licebit medita-  
tiones, orandi que rationes eligere; que in hunc  
finem magis illum iuuent: nec nocet tamen b  
*omnia*, iuxta Apostoli cōsiliū, *probare*: forte  
enim Dominus noster viā mihi aperire digna-  
bitur, vbi ego clausam omninō metuebam.

EX dictis facilē colligitur, eos, qui Mysti-  
cam Iacob c *Scalam* quotidie conscendere cu-  
piūt, (quam S. August. Paradisi, S. verō Bernar.  
Religiosorum *scalam* appellant. & cuius gra-  
dus sunt Lectio, Meditatio, Oratio & contem-  
platio) in hoc libro materiam & instructio-  
nem ad eam conscendam inuenturos: diui-  
næ quidem gratiæ potissimū innitentes, cu-  
ius auxilio omnibus licebit ad ipsam cum Do-  
mino vnitionem peruenire, qui *eius summitati*  
*innixus* nos ad confidendum inuitat. Ad hoc  
enim sanctos Angelos suos mittit, qui nostræ  
utilitatis intuitu ascendunt, & descendunt: as-  
cendunt inquam, vt nostra desideria, petiti-  
onesque Deo offerant; descendunt verō, illis  
benè expeditis, vt quotidie nos magis ani-  
ment, ad perseuerandum in hoc ascensu:  
donec Paradisum ingrediamur Dei  
nostri, vbi & eum videre, &  
in æternum frui liceat.

Amen.

*Finis Introductionis.*